

Na osnovu člana 15. Zakona o budžetima u Federaciji Bosne i Hercegovine ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) i člana 52. tačka c) Statuta Grada Bihaća ("Službeni glasnik Grada Bihaća" broj 13/15 i 13/18), vršilac dužnosti gradonačelnika Grada Bihaća, d o n o s i

BUDŽETSKI KALENDAR GRADA BIHAĆA za 2023. godinu

I

Budžetski kalendar (u daljnjem tekstu: kalendar) predstavlja vremenski raspored aktivnosti vezanih za postupak pripreme i donošenja budžeta.

II

Kalendar je obavezujući dokument za sve učesnike u budžetskom procesu uključujući i gradske službe, nevladin sektor (udruženja građana u oblasti sporta, kulture kao i drugih društvenih djelatnosti), građane i predstavnike mjesnih zajednica, gradske vijećnike i klubove političkih stranaka koje participiraju u Gradskom vijeću, javna poduzeća i javne ustanove koji su povremeni ili stalni korisnici budžetskih sredstava.

Vijećnici i predstavnici političkih partija koje participiraju u Gradskom vijeću su dužni poštovati rokove i aktivnosti date kalendarom, te svoje prijedloge i amandmane prilagoditi kriterijima i standardima koji su obavezni za sve korisnike budžetskih sredstava.

III

Kalendar se odnosi na period 01.01. do 31.12.2023. godine, a isti će se objaviti na internet stranici Grada Bihaća.

IV

Budžetski kalendar Grada Bihaća za 2023. godinu je slijedeći:

<i>R/br.</i>	<i>Rok</i>	<i>Aktivnosti</i>
1	15.02.	Dostavljanje Instrukcija za budžetske korisnike broj 1. o načinu i elementima izrade Dokumenta okvirnog budžeta za period 2024.-2026. godine (u daljnjem tekstu: DOB)
2	15.04.	Popunjavanje i dostavljanje Tabela prioriteta budžetskih korisnika Službi za finansije, privredu i poljoprivredu
3	30.04.	Dostavljanje popunjenih tabela prihoda i rashoda za period 2024.-2026. godine Ministarstvu za finansije Unsko-sanskog kantona

